

靜

厓

詩

後

稿

靜厓詩後稿卷四

鎮洋 汪學金 敬箴

古今體七十五首

盡甲寅
一年

甲寅元旦試筆

一卧滄江重改歲，新犁買犢願應符。
蔬香餞臘猶能醉，梅老逢春也自娛。
農慶先占豐有玉，文昌遙見潤如珠。
眼前欲悟生生理，且把堯夫易細圖。

萊甲三十二韻

霜圃陳根在，春盤入味佳。
初陽回土脉，宿潤透烟荄。
村

靜厓詩後稿

卷四

一

事蠶臺早儒風首宿皆夫心萌蘖見物理發生諧錯壤
翻瓜稜肥畦熟豆蕪輕黃敷別崦淺碧坼枯厓朽質松
鱗蛻嬌芽蕙箭排筠苞疑解谷漠葉肖抽階傭懶經旬
課僮閒計日差覓通新汲水籬護舊編柴茹嫩剛挑渚
莖稀未上街食驚蒸鴨誤語笑類羔俳細切金裝縷勻
分玉股釵芼羹呼竈妾辨種問鄰娃釀就鹽爭糝辛兼
芥更筵茗旗遲展翠書帶緩拖縞雉尾萼猶縮貓頭筍
尚埋大烹羞客俎小把飽僧齋劇愛鄉情好寧愁節物
乖興添浮白杓話到踏青鞦薄宦頻年繫全家卒歲挨

馬塍園擔集牛戶市車羣癖嗜宜巢菜清饒足庾鮭晚
菘甘似蜜冬蓄美於腴乞米空留帖題詩且滿牌鏗然
冰雪齒瘦絕水雲骸地主恩須戀山妻隱已偕菰蒲原
近海橘枳豈移淮蕪穢英雄跡酸寒措大懷甕齏真福
分鉢粒老生涯杯對傾螺蘸砧辭斫鱠措先民遺訓熟
苦齧最兒儕

雨中至素墓探梅用蘇集梅花十絕韻

雪後春光未覺和破寒花少忍寒多若教小雨孤幽興
無那青山笑客何

香魂艷魄殢蘇臺爭向吳王苑裏開底事劫風吹不盡
尚留殘粉點蒼苔

孤篷乘興未應回知有花枝待我開只恐晚晴催畫舫
城中又作冶春來

醉泛江湖五石樽莫釐東望水雲昏今宵定有羅浮夢
萬頃冰壺淨客魂

傭夫販婦也知花屋角牆頭半整斜慎勿載將州府去
青春最好是山家

花時一笑寶林開幻景何勞七七催夜半佛燈光福塔

幾人曾見白毫來

春寒作意減春肌
翠袖玲瓏見一枝
會得傾城遺世態
病贖原不許人醫

谷口春禽繞樹飛
啄花穩宿最深枝
暝鐘催動聞人語
啾向山僧送客時

笠屐衝泥也自輕
成蹊花下路分明
誰來誰去花休管
始覺高人不世情

滴粉搓酥枉擅家
我思窈窕本無邪
遙知玉宇高寒境
雪鬢冰毫自詠花

虎邱

舞臺歌榭盡船通當日春游一夢中漫道溪山配西子
枉教花柳笑東風塔邊遠勢衝烟鶴隄上殘痕印雪鴻
祇有石盤陀不變何勞饒舌費生公

登還元閣題漁洋綿津兩先生合像

二老風流跡已陳青山不改舊時春偶來蓮社為居士
却愛梅花是主人詩卷長留良有以畫圖合併豈無因
閣中題句誰知我香雪寒林悄影神

黃池

開吳由讓敗由爭堪笑黃池長晉盟茶火三軍誇敵國
烟波一沼笑傾城竟忘鄰釁能甘恥不悟天亡是禍盈
祇有靈胥遺恨在沿江難遣怒潮平

晚至蕪湖與宋悅研觀察話舊

偶借南州一榻眠春帆初卸落霞邊山靈待我來為客
關尹逢君望若仙碧杜相思千里外紫薇同對十年前
丹臺別話三生約只在清茗小洞天

疊前韻簡同年程澂江儀曹時主講中江書院

朝衫卸後足朝眠捫腹談經傲老邊烟笠過江來作伴

青房言行卷之四
寬裳同日記登仙遠攜眷屬青山外滿列生徒絳帳前
笑我枯禪徒縛律羨君慧業自生天

借宿南陵僧房題壁間水墨蘭竹

竹堪為友因堅節蘭不依人自抱芳與我同龕成一宿
清緣常託白毫光

宋悅研郵遞和章仍用前韻答之

彌勒同龕自在眠萍蹤夢殢枕函邊雲堂示偈心為佛
冰驛郵詩句欲仙閣筆定驚崔在上

悅研近題
九華詩

傳燈應

讓謝居前化滅有路憑君指飽看壺中菡萏天

青陽僧亦葦見示塔影詩草題句贈之

雲房燈火見參寥千首新詩滿貯瓢
狂慧休飛風外絮
枯禪偶著雪中蕉逢君一夕緣非淺
笑我三生習未消
趁曉行滕入山去留題已在五溪橋

登九華山宿化城寺和陽明先生韻四首

獨遊不覺入山深
雨後浮嵐撲面侵
半嶺玉虬蟠古雪
一谿翠鳳舞春陰
天開霽日芙蓉頂
人過香風薜蘿林
遙指東岩雲外宿
九霄空碧遞猿吟

虹霓為餌月為鉤
坐釣岷峨江水流
直躡雲雷凌倒影

欲迴天地入清秋從知輪際飛埃合難辨壺中積氣浮
但得滄洲容笑傲題詩且上謫仙樓

忽來九十九峰上四面香臺吹雨花芝結仙毫凝碧澗
蓮開佛髻湧青霞看成掌上紋如畫覓得心頭種有芽
為語山靈休逐客芒鞋是我舊生涯

俎豆餘姚二百秋閒題翰墨照山邱徒爭香火三家派
孰挽江河萬古流風月隨人皆入妙林泉許我更尋幽
幾回仰止無窮感恨不同時侍咏遊

華山謠

山暝如吏嗔朝迎冠蓋來江濱山開如吏喜暮責香錢
到官裏吏嗔吏喜何足憑名山顛倒入愛憎豈知利害
本倚伏果報往往相因仍山僧索客吏索僧以山為市
壟斷興衆生五濁在醉夢佛入涅槃呼不磨

望華亭獨酌成詠

一路下雲壑行行首重回難期他日到又見此亭開白
霧昏詩壁青山照酒杯今宵謫仙夢獨傍化城隈

朱石君師新修皖署爽襟樓落成賦詩二首以襟

樓字為韻

依然傑構俯遙岑，勿翦甘棠惜舊陰。

樓因度藏，御賜經籍而葺，規製悉

如其

福地分羅延，閣寶儉懷曲體。

露臺金舞雩，童冠

三春樂魏闕，江湖五載心。欲識濟時霖，雨意片雲舒。卷在虛襟。

落成賓讌集，名流祭戟臨。觀景畢，酬帶草向榮，依賜軸節花催喜報傳。籌鷗邊春水，霞生浦鶴背。秋筮月滿樓浪跡來遊容，末座媿無韓筆記新修。

隨石君師散賑江上，諸邑泊舟三山磯。飯於僧舍，同宋悅研觀察章德瓶孝廉。

水郭烟村畫裏分
津頭鼓吹未斜曛
渡江舟楫蒼生雨
拂岫旌旗碧落雲
偶覓午炊茶筍熟
恰宜春服杜蘭薰
三山若作蓬壺擬
效唾應教上界聞

修竹岡遙曲逕通
此間容我坐春風
沿村花柳迎嚴尹
列郡溪山識謝公
世外佛仙雙果得
天涯師友一樽同
眼前指點盤陀在

寺中有
靈石

珍重他年堯率宮

江上望九華

江上千山過眼奇
此心早與九峰期
到來自有三生約
別後真成一月思
佛界莊嚴龍象護
仙蹤縹緲鶴猿知

蓬窓供我支願看絕似壺中坐對時

蝶磯夫人廟

依然女侍佩刀弓颯爽神威肅闕宮
帝子千秋存義烈使君一世匹英雄
獨憑正氣幽靈懾合表精禋顯號崇

時石君師議欲疏請褒封

畢竟二喬難媲美枉將國色擅江東

重之蕪湖程激江同年招遊諸園小憩三昧庵登

赭山晚望

一月江城記往還肯教對面惜緣慳
重茵藉草聊趺足夾鏡窺花忽破顏
谷鳥也知三月好山僧不及兩人閒

扶筇更踏青螺頂指點風帆萬頃間

上巳集永福禪院留別宋觀察

天地浮萍亦偶然春風去住總隨緣
雪鴻有迹成賓戲江燕如歸賴主賢
隄外桃花初拍漲龕中柏子尚浮烟
已從丈室參無著莫贈將離攬定禪

清明守風蕭家灣示章德瓶

江上人家烟火新孤蓬風雨黯蕭晨
春城已散聽鷓客古冢還愁化鶴人
柳色總迷長短夢萍蹤畧省去來因
我吟君醉聊相慰芳節天涯送主賓

菜花

綠蕪勻染夕陽平
潑眼村光動冶情
十雨五風香醞釀
千花萬柳色分明
陌頭墜鈿勞相拾
墟畔攤錢笑不爭
正是家家春社後
鶯兒嬌嫩對槽傾

泊舟上津橋訪范支山編修即用集中疊和韻奉

呈

風軟垂楊不可扶
小橋春碧漲雲腴
鶯花未負歸期準
烟月難教夢境蘇
淨業有香參地藏

新謁九華

壯遊無筆壓

天吳片帆忽到門
前卸曾記詩人住
石湖

曲牖疎簾罨畫中青霞紫雪晝溟濛乍聽西崦鉤輶雨
更話南茗舶趨風時約往苕溪仙侶定攜吟屨至故人不放
酒杯空十年細數漚泡迹照眼燈花也自紅

題孫境悟念佛圖

百八牟尼億萬回剎那心地寶林開非聲非相非名號
認得如來是本來

五月十三日喜雨同講塾諸子作

共有陽亨慶方知作解功崇朝成潤澤當暑應熙融民
力艱勤際天心默轉中從來時雨化此意與之同

青人言存禾
古柏行用少陵韻

司徒社中四古柏代遠年深木變石鬚眉彷彿商山翁
世外無心就繩尺我昔來遊邂逅之愛而弗舍深嗟惜
但恐茂悅未相許逋客重逢眼遭白自從解組歸海東
先人敝廬一畝宮願依喬木守世澤喜得老樹撐庭空
北窓移陰送暑日南榮借蔭延薰風井養自知游至力
巽德更賴重申功不材終老羞時棟晚節由來古人重
無限天寒歲暮心道阻琅玕艱致送爭聽啾喧集夜烏
誰憐寂寞饑晨鳳且寄山中招隱篇相期藏器神其用

盆松

土膏培養木之神莫道干霄異屈伸拱把原知違世用
剪裁豈便損天真寸心堅處應留骨尺蠖藏時也蛻鱗
若傍壺中九華境不妨小有住仙身

蘭露二首

晨曦照檻泣生光深裏莖柎密綴房空谷先秋成沆瀣
虛堂無暑滴清涼受來碧落三霄氣吸得黃寧一竅香
悟透箇中心孔妙何須世外覓元霜

非關降澤受沾濡抱潔懷芳氣自殊竟體根源通上善

同心臭味得中腴若為醞釀花成蜜始信虛空蘂有珠
天酒國香皆美瑞願將膏潤灑 堯衢

藕孔二首

七寶池邊相本空此空却在淨根中試拈妙緒絲絲貫
若問真香息息通九曲珠胎穿的爍三生冰骨抱玲瓏
何時直灌醍醐頂醉吸仙人碧玉甯

翠蓋丹房舞碧潯更從幽隱想淵沈氣隨露夕風晨透
竅向天根月窟尋誰補化城生處果未填坎穴畫前心
翻嫌混沌勞開鑿結子聯村直到今

若上與戴可亭丈夜話兼寄蓮士粵中

瑤海乘槎使滄洲鼓柁人一宵篷背雨十載陌頭塵各
喜鬚眉舊相看面目真竹林陳迹在問訊嶺梅春

今歲十月籬菊始放與家人置酒為展重陽之會

因成十韻

花已傷遲暮人猶愛小陽續開重九會爭兒十千嘗細
菜鏗牙脆新柑濺手香流雲消薄翳穎景激清商幽碧
孤邀月嬌黃艷鬪霜歸田偕隱計閉戶養生方息慮虛
為谷志憂醉有鄉遜蹤肥自勝吟趣瘦何妨晚節心期

重端居道味長我懷良士戒好樂慎毋荒

和韻示講塾諸子

千載同風義斯情曠世深菊遲知晚節蘭久見初心各
自輝藏璞何須慍爨琴一陽來復際節句最堪吟

瓔珞柏歌

東江老虬夜聽唄屹然不動修骨蛻拄杖一擲忽點頭
盤空結就香雲蓋四垂寶珞如流蘇綴以瑪瑙琉璃珠
半天霧雨洗寒翠髣髴海水敷蒼胡捨身戒壇來護法
昔與修羅戰鱗甲靜閱恒河不計年禪枝竟脫滄桑劫

蓮臺丈六何所因非色非相非根塵莊嚴清淨總無住
雙林自在菩提春丹溪衲公了生死宴坐經行不離此
有誰一指問天龍看取庭前柏樹子

黃芽菜

長安冬蓄記年年冰雪重逢老齒邊地主有恩餘把在
家風無恙舊根傳儘容福分蓋三百且伴生涯酒十千
自歎邱園徒鼓腹野芹難獻海東偏

地爐

紙帳蘆簾宿火籠幾回頭腦笑冬烘雪龕煨芋尋僧味

雲竈烹芝覓道風捨宅終消千劫燼閉關且驗一陽功
欲知造化為爐意莫負傳薪在箇中

東孫洗三瑤華子示詩四章適金門學使使至附
書作答即和元韻以紀其事

攜來一片天孫錦裁作於菟繡襦紅準備臘醅三百甕
題詩更乞老髯翁

珥筆舊為香案吏校書新典玉樞曹

謂瑤華子

多因結習留

文字寄鯉傳鸞也自勞

慈竹垂雲常覆護病松鬪雪強崢嶸香林結已傳心印

金門寄西
藏庵以香
彌勒龕中記舊盟

西舍癡看題鳳字東隣錯寫弄麀書
緣何世相多分別
盡道妻梅子鶴虛

和陶咏二疏

觀化濠儵樂感機海鷗去肯以濡滯情乖此明哲趣所
以時哉心山梁歎色舉誰歟得此意漢廷兩疏傳拂衣
歸田里太息動行路孝宣亦令辟任法義罔顧許史恩
澤流瑣瑣希榮譽君子貴知幾達人先識務介石葆其
貞坦履行吾素如何蕭生賢斯理竟未悟勇退慕遐軌

高蹈懷遠慮主恩既不虧臣節乃彌著

和陶咏三良

三帥罪可免三良命不遺秦誓念榮懷此意寔已微側
聞君臣義在公不以私論思佐廊廟獻替與帷帷樹人
數世利恩禮兩弗虧生非臣妾畜焉用死同歸嬴氏尊
主權惟言莫予違威暴禍已烈明良風竟希我讀黃鳥
詩此詩傷且悲伊人道阻長詎惜露沾衣

偶見兒輩寒夜酬和近作依韻和之

一笑衰顏賴汝曹偶消寒漏弄冰毫也諳世局逢場戲

漸識人情閉戶高
早筍登柈新繭栗
臘糟壓壘小蟻螬
閒吟已共諸緣息
技癢難禁更試搔

夜坐再用前韻二首

易乞閒身是散曹
蒲團萬事付秋毫
龕燈滴雨光微黯
卷柝隨風響漸高
戶借一杯堪屈蠖
炁供三咽不爭螬
坐忘若得離聞見
且任空庭鳥鼠搔

此心端的是功曹
夢覺關頭辨髮毫
收我眼光難到密
拾人牙慧未為高
三空始滅樓臺蜃
五濁終憐糞土螬
自笑流珠無把握
功夫畢竟隔鞞搔

仍用前韻戲簡叔温

椽筆縱橫領墨曹
江花未謝夢中毫
飽羅經腹文逾富
瘦聳詩肩格最高
空化早參身是蝶
閒情休賦領如螭

寒齋許下南州榻
已有慈幃代抑搔

叔温近已續要

和蘇謫居三適

旦起理髮

蚤衰罷朝謁偃息
一畝宮蒲柳望秋零
知非後凋松中
枯感宣髮木脫撓
巽風有容勸攝生
咽液百竅通露氣
回霜根責效
休息息醍醐
久灌頂逆泝
重關重負暄理

輕櫛病馬驕花髮倘除煩惱障老衲將毋同焉用乞休
沐過旬假難逢幸謝剝啄人慎勿溷乃公

午窓坐睡

枯蠶已鼓腹破褐或見肘四大本非我此外更何有生
涯一蒲團頗與周旋久晏坐得安心乞法枉斷手有時
刷昏散苦茗聊當酒一日是兩日下壽為上壽焉知莊
生化奚恤宰予朽塵勞小休歇晚福許消受熏以五分
香入室便離垢大家話無生癡絕媪與叟

夜卧濯足

濕薪不黔突敗絮不煖凋遘祲百事艱增此卒歲憂海
風淒以號空桑叫鶴鷓地爐豆稽灰餘燄喜尚留溫我
瓦盆湯松籟徐颺颺何異丹砂泉快意試一投就令踵
決履猶勝臂傳鞬湧泉回春溫尾閭陽氣浮江南病軟
脚得此其庶瘳終當凌崖龕矯捷爭猿猴

新樂府十首為郡守于公賦

并序

三年報政賢守臣克盡旬宣六義陳詩舊史氏
毋忘紀撰書春延喜先開官閣之花飲蜡臚歡
同獻公堂之酒豐大亨而屢告壽世壽人益元

吉以有孚惠心惠德茂松悅柏友朋之誼依然
敬梓恭桑父母之歌宜爾敷香山之遺製諭俗
應多倡巴里之鄙詞和人豈寡長言成什短引

疏章

豐年玉紀瑞也

豐年玉不產藍田產原陸豐年玉不寶朱門寶茅屋六
花三白符吉徵碎瓊堆滿千溝塍近年此雪得未曾德
政所感信有憑賢侯惠績紀不勝天錫上瑞喜氣增遺
蝻入地陽澤蒸明年麥熟秋禾登君不見党家賞雪羔

兒酒又不見陶家掃雪松毛帚豪富清高漫較量却與
蒼生兩何有賢侯用意殊不然只恐州民或凍餒豐年
玉可禦寒刺史出披纊棉豐年玉可療饑刺史來飽粥
糜井牧恬熙順耕鑿天公玉戲同民樂街頭臘鼓催不
停彤韜先到陽春脚萬樹梅花頃刻開又報新詩就官

閣

去歲公有梅花八詠
郡士屬和者甚衆

希賢堂教士也

希賢堂執經問難弟子行一年祇承大夫教二年三奏
革筮章四先生鄉人敬公曰諸生師其行

堂在書院講
堂之後舊祀

宗五子傾圮已久公鼎新之
前有司謀事始公命左楹

配以吾鄉陳陸江盛四先生
立之祀公以前州守宋公楚望邑令冷喜聞兩廡誦弦

聲勉惜三餘課文史惠以庖廩贈以帛齊道我公能愛

才我公我公飲廉泉輟刺史俸助婚錢茂才沈生端既冠未娶公愛其

才厚資以助其婚坐令寒士皆歡顏得不辦香祝且虔公詔諸

生立館下庇爾細旃與廣廈砥礪廉隅近文章首重孝

弟力田者希驥之馬亦驥乘希顏之徒亦顏倫堂下英

髦來濟濟堂上俎豆歌莘莘君不見漢廷褒揚良刺史

蜀郡文翁先稱旨後賢不讓前賢風三年化成復見滄

來公

讀法導民也

讀法讀法月初吉蕩蕩平平 皇建極于

帝其訓順民則讀法讀法月既望熙熙皞皞春臺上

巽命重申崇禮讓乃知讀法有深意 廟堂制作垂萬

禩洋洋

聖謨十六條重熙累洽昇平治庶民有誠官有箴道人

木鐸古及今俗吏讀法讀以口公之讀法讀以心吏威

不用鷹隼擊士習先革鴟鴞林承流宣化揚 德音

臨軒清問鑒爾忱綏我嘉師爾保任俾司喉舌以為四海蒼生霖

斥稗乘止淫僻也

斥稗乘防民之淫節民性大夫要使風俗皆醇龐大夫先令男女惟貞靜男耕耘女蠶織百工之事亦有業誰歟作俑小說家遂致耳目生歧惑屋樓海市聚幻雲迷花愛月添新聞鄭聲亂雅古有誠別裁所賴薰蕕分大夫下車警游惰端化之責豈非我為防稂莠傷嘉禾亟將螟螣畀炎火火中黑膏化紫烟上與太乙藜光連爐

中死灰得生氣重鑄人間忠孝字令行禁止莫不承法

民意美知勸懲聞而喜者朱中丞檄下所屬課吏能封

章入告

詔旨稱

朱石君先生撫皖聞公此舉稱善檄屬照此辦理並附摺陳奏通行各直

省一體查禁

通行海內淑化蒸淑化蒸狂瀾砥家有弦歌戶

書史經正民興自公始

夜戶不閉杜奸萌也

夜戶不閉如白晝城狐逋逃虜不守三樞衙鼓吏報更

司寤掌禁誰宵行自從賢侯勤勸課防東奸邪罰頑惰

不教醉尉任訶止不用弓兵作巡邏霜花滿地月滿街

市門寂寂栖凍鴉驄馬夜踏聲不譁睡熟尋常百姓家
家有粟不蓋藏家有襦不納箱既無踰我里亦無越我
墻須知弭盜有良術德禮之效恥且格將見道路不拾
遺穢行惟恐賢侯知

修城謳役夫樂也

役者謳婁城修婁城十八里歲久多傾圯長官用民在
農隙不斂門牌搜戶籍以工代賑救偏灾畚鍤無非為
民食椀子花兒開州城始搬來州城搬來四百載中間
修築經幾回疇若我公恤民力給發官錢禁侵蝕朝城

靜厓詩後稿

卷四

六

西隅暮北廂高墉屹屹遙相望役謳未已里謳繼里中
保聚家平康公專城我開戶穿窬永息奸萌杜豈惟穿
窬永息奸萌杜我公將以忠信為金湯禮義為干櫓
訟庭閒清庶獄也

訟庭閒訟庭閒訟庭三載無容姦使君聽訟清如冰苞
豈不納刀筆懲使君聽訟明如鏡不設網羅與檻穿人
感使君恩莫比使君之心猶未已使君願民說桎梏使
君勸民休誹謔道風日息風日敦一州之民受其福大
家小戶勤耕種比鄰洽好無愆尤州民不忍使君怒使

君惟恐州民愁民不愁官不怒猾吏豪胥不為蠹但聞
四境皆歡歌稀見州府來投訴訟庭之上何所有書城
萬卷擁左右訟庭之下何所無落花滿地春鳥呼潁川
德化可並論甘棠勿翦民思存請書使君姓氏傳子孫
他日記取駟馬于公門

澤國謠修濬及時也

全婁臨江徧江潮全婁瀕海激海濤今年七月排獐鷗
灘鳥夜嘯江豚高寶山塘工被衝擊嘉定支流愁阻塞
縣官火急告刺史治水真難遲頃刻公言曾讀河渠書

言人言名牙
治法宜障兼宜疏不障何以束甕口不疏何以洩尾閘
修海塘卹工作練川新涇親相度僚屬趨承受公約惠
此灾黎不為虐君不見白公隄隄邊楊柳春萋萋又不
見宋公塘沿塘稻熟秋收糧我公繼之澤更長與此澤
國之澤同無疆

惠民局卹熒獨也

惠民局卹熒獨寒者衣飢者粟推廣

皇仁在司牧

惠民局飽胥僕朝不饘夕不粥老弱須吏轉溝瀆殘疾
癘病難見官納錢地保求動單單來吏怒官不准局中

額少爾須忍但願局空私橐盈肯為窮黎起哀憫于公
來點堂牌我儕管局難打乖公帑有關火急催不勸民
捐責吏賠黃棉白絮局裏堆乘谷竟有陽春回君不見
廉叔度昔無襦今五袴于公來來何暮

含哺樂美粥賑也

臘八已過逢十五海寧寺前打粥鼓萬戶歡聲報粥來

不在僧寮在州府

粥廠設於海寧寺始於十二月十五
訖於明年三月十五公首捐米八十

石敦請紳士經理並書院諸生共襄其事每
日親臨督放規畫盡善州民賴以存活甚衆庭前有鶴

飢不舞空倉有雀啄莫俯且飼嗷嗷黃口雛百六十斛

俸錢取寺門未啓前擁騶摩肩企踵聽唱籌喧叻競進
擎千甌左簞右瓢手酢酬益之釜庚寧加稠誰其活我

實我侯康衢之尊樂且謳里中不諱雙弓羞

單公潔家
負諱其粥

弓雙

爾民既飽汔可休堂前更命生徒留烝我髦士從

我游學道愛人期汝優庶幾風俗淳魯鄒母俾失德愆
乾饑西家病夫凍瑟縮生涯賸有黃蓋福喜說今年口
數多添丁又喫于公粥

靜厓詩後稿卷四

靜厓詩後稿卷五

鎮洋 汪學金 敬箴

古今體八十五首

乙卯正月
盡六月

乙卯元旦試筆

老梅休笑強精神為受東皇煦護新

帝德格

天光復旦農祥占雪喜先春膝邊犀玉添
丁繼腹裏龍鉛鍊已純布易文明推卦理
吉徵大有與同人

曉至粥廠口述疊前韻

秦和頤養木之神律轉青陽布澤新萬國綏豐惟得歲
一方歡樂自生春鸚紅滿地行糜飽狐白傳家命服純
休詫玉堂香案吏曝簷同話太平人

新正三日瑤華子見示和句仍用前韻

寫韻樓高筆有神瑤臺鏤出月芽新僧來偶問山中臘
使至先歸嶺外春

時粵東使來

誰解散花無染著須思磬玉

到溫純能師衣鉢難傳付北派南宗少替人

雪後至海寧寺奉簡粥廠同事諸君子

時宿僧寮

多恐雲龕冷不支平明問訊急披帷若為桑下經三宿

同在梅邊借一枝活火留紅圍夜話空華積素療朝飢
諸君何減袁安操早有婁東刺史知

海寧寺夜話和顧茂才漱泉韻

贊公留宿處快雪想晴佳詩趣花窺檻禪心月轉街觀
頤同物類乎兒有朋儕陽羨書生去

胡蛟門茂才臨風
往宜興未歸

一繫懷

歡喜登初地春從象外生齒牙齏味淡顏色酒波瑩舊
夢婆能說同龕佛有情靜中觀萬動細數曉鐘清

蛟門惠陽羨茶二器用涪翁雙井茶韻簡謝

銅院梅花奇絕處寒香滿手開君書書來兼致陽羨茗
急呼煎水看跳珠江南此品清更腴龍陂虎阜都不如
憑君醉話鵝籠幻一瓢貯取芙蓉湖

病中讀蘇詩見心空客疾本無根句喜而賦之以
題中平字為韻

有身無疾怕憂疾有疾無心豈累心即此便知君藥妙
云何不受客塵侵衆生諸苦聊同試四大全非又孰禁
莫向維摩更饒舌欲忘言處作聾瘖

春冰得氣霎時融為有靈源一竅通妙法自能除青月

奇文亦可愈頭風
孟蛇影悟酣歌適
牀蟻聲銷夢怕空
假使膏肓堪逆旅
相從代謝太虛中

住原非有去非無
認取中間一乘珠
誰喻芭蕉疏百節
早從薝蔔印雙趺
定禪香裏三灾淺
妙覺光中六欲麤
為語倥偬休作虐
年來忘汝併忘吾

大海風萍那有根
春泥雪爪也無痕
一彈指頃從何覓
三折肱來漫與論
安隱自離煩惱宅
塵勞何異涅槃門
刀圭枉向旁人乞
默驗中宵鼎火溫

走馬燈

春朝鞭土牛元夕翦紙馬可惜長明燈難破世相假童
心喜奔馳俗眼炫丹赭遂令市賈流淫巧逞衰哆九螭
樣競傳八駿圖爭寫散誕在春郊寬閒列夏序戲馬氣
麤豪舞馬態游冶詐馬筵喧呶墮馬粧妖姪或為玉珂
朝火城照萬瓦或為金埒歸蓮炬撤廣廈或馱千金裘
囊橐羨陸賈或載七香車笙歌窺蹇姐富貴財色場開
蛾死不捨世間熏心人多半捷足者花月盛江南風俗
靡吳下試燈風過後流連到春社星橋簇綺羅湖榭弄
盃竿誰思照田蠶縛秧走中野自從悟無明佛燈伴蘭

若廿年踏天街一笑吾歸也得失翁自知皮相識應寡
請問風生蹄豈異泥沒蹠過隙感流塵吹息驚飛炮此
中小休歇六轡勿輕把

賦得幾生修到梅花得修字四首

姑射神人藐莫儔都緣宿世證清修如真如幻皆三昧
非色非香第一流縞袂偶然驚翡翠紅埃久矣苦蜉蝣
蕊珠宮裏能相見慚愧多生垢尚留

凡情自覺見花羞豈意逢花却點頭叩我根緣經幾劫
羨君福慧足雙修瓊樓玉宇誰勝此雪瑩冰綃有分不

底事月中三弄笛，罡風吹墮使人愁。

曾識孤山處士，不脩然蹤跡阻荒邱。水雲有路參尊宿，
冰雪多年待蹇修。借問鍊形何處學，漫嗟換骨此生休。
香林若悟聞思妙，白淨田中默與酬。

千紅萬紫猛回頭，白石清泉結趣幽。遷客有家愁庾嶺，
詩人多夢困揚州。蓮花世界誰能到，桂樹天宮莫強求。
仙尉相逢知有意，欲將後果續前修。

和陶歸田園居五首

朝雲已出岫，暮雲當歸山。何為宦遊人，膂力疲餘年。豈

不念鄉邑羨魚徒臨淵繫余歎早衰四十竟歸田抽身
韋杜曲息慮濠濮間翻從解組後追思挂冠前榮辱與
得喪過眼為雲煙履道涉坦途觸機迫危巔人生在天
地俯仰何寬閒昨非今則是不覺笑輾然

弱冠嗜文史中歲廢塵鞅重補三餘功不負十年想賴
我同志友析疑日來往勿以壯盛懷棄子馬齒長抗跡
慕黃虞所居豈不廣分陰古人惜茲事匪鹵莽

朱絃奏流水曲高和者稀山頭王子喬笙鶴何年歸佩
我茱萸囊服我芰荷衣雖非入世裝此願不可違

起滅苦躁妄寂感生靜娛敦良得止所習坎知歸墟活
水通天根一竅神所居萌蘖不自保何以培根株膠膠
復擾擾達觀臭芻如朽然抱軀殼乃是造物餘真人坐
靈臺萬象含清虛此中得妙旨非有亦非無

商山有老叟招我紫芝曲此曲深且長咏歎之不足欲
探崑崙源一破滄桑局乾端與坤倪瀕洞不可燭排雲
望閭闔碧海升朝旭

和六一居士啼鳥

衆籟喧寂隨心生道園恬憺無所爭窅然幽人在空谷

足音不踏殘紅英午牕坐睡正清美忽聞有鳥間關鳴
天籟人籟付虛橐好音雖好誰能聽了緣本欲離聞觀
抱一馬肯勞聰明雷聲淵默候消息黃庭何時交姹嬰
鳥言啁啾似嘲我色為何色聲何聲戴鷲豈必勸婦織
布穀豈必催農耕鶉鳩幾曾喚朝雨乾鵲底事呼春晴
鳥啼無心人有意到耳官止神先行今君識田未修治
強欲塞兌時防傾但空幻滅守不動難入混沌歸無名
忘我忘物兩何有洗耳苦作箏琶憎宛似隔牆避釵釧
沙門縛律驚媯媯知時達化貴自得海鷗山雉堪為朋

頻遊仙音助供養三摩不斷聞思情願君入林破孤悶
無使春事徒衰零我聞鳥言還自笑笑我夢醒終非醒
次韻寄答李松雲館師

回首廿年春夢醒曉珂罷聽玉璫瓏醉翁知己生平感
猶託琴徽述雅風

錦袍供奉衆中推綵筆催花頃刻開一自淮南傳拔宅
人間賸有小山才

謝傅堂前老賓客肩隨阿大與中郎憑君重說西州事
濺淚飛花濕不縈

冰綃雲錦妙天工付與文人組織中總為三生多慧業
新詞又唱秣陵東

擅場國手本無倫暫作旁觀局轉新尋到盤根記仙李

蓬萊早著畫中身

曾以蓬萊仙奕圖屬題

菊苗八韻

枯枿治荒徑芳苗發凍畦及茲勤穉養惟爾伴幽栖
自珍蘭杞根非雜莧藜澹交親老瓦厚意蓄新泥訂雅
名疏鞠探爰理悟稊春陽動萌蘖晚節露端倪良莠終
須別衰榮或可齊寸田休助長觸類細參稽

書人言在禾 卷五
滄來郡尊邀至劉河鎮閱視粥廠途中小憩即事
成詠

喜從露冕憩郊林
烟景文章即日尋
春澤隨公來有脚
曉雲如我出無心
農祥定許占旗旄
吏職猶勞溉釜鬻
一路但聞人說尹
恩波比似海波深

清明後一日同程愛廬侍御錢吉亭孝廉陸遠亭
進士楊叔溫胡蛟門茂才葆初守根昆仲及博國
兩兒泛舟南郭看桃花分韻得塘字

春風鼓羣動游息各有方
余懷得所欣出門弄韶光乘

流理輕楫縱意尋陂塘船頭載茶具船尾傾壺觴蔬盤
雖草草筍蕨已可嘗扣舷眺廣陸藉坐依平岡餘寒散
曉霽錦繡舒林芳赤城聯霞標丹崖互雲章桃源本仙
境俗眼譏荒唐元都種花人一去疑渺茫嘉我同志友
解組四十強惠而來好我攜手歌滄浪諸子共微尚履
道相頡頏頤神恬憺園觀化亡何鄉休歎身世拙蓬瀛
終可望

彭城妹氏歸寧出其尊嫜桐陰弄孫圖屬題為書

三絕句

歸寧少女說姑慈想見庭闈百事宜世上忘憂是諛草
風恬日暖北堂時

秋芳庭院靜堪娛盡日清陰罩碧梧試聽風前傳嶰管
又看雙鳳引雙雛

兩家孔李是通門

尊舅竹汀先生與先君同館並同直內廷

同里朱陳更

近村漫說甥賢應似舅須知祖德必詒孫

奉和滄來郡尊得孫志喜元韻

百年善慶積于門喜報充閭到海村

時巡閱粥廠並路勘海塘工程

滿棠陰曾憩伯春逢桐閨恰生孫

為閨二月二十日

與民共此

含飴樂闔郡知公保赤恩聞道升卿嘉肇錫他時父老
寄思存

咏齋中牡丹

眼中姚魏自紛紛春色閒門一例分三月光陰真似水
十年富貴已如雲休隨衆愛翻傷品為待遲開要出羣
只有錦袍題醉墨仙才絕不染濃芬

食蓴用坡公春菜韻

垂虹穉蓴未放葉壓倒春山新筍蕨荷錢荇帶減清脆
魚鬚蝦鬚遜芳滑更勝秋鱸玉膾肥那推霜芥銀絲韮

松江產銀絲芥齋厨妙製我所秘肯付食經浪批抹一縷冰漿
沁肝肺千杯吸盡紅螺甲雖然愛憎豈有常遐棄或等
葭蓬茁紛紛肉食方嗜進此味如何向渠說醉吟翻動
五湖天喜有新詩彈丸脫

和蘇秧馬

禿毛瘦骨酸風淒十年來往輕燕齊一朝忽厭錦障泥
投策歸卧雲水畦那復起舞驚聞雞壁間有馬瘖不嘶
何須絡首耳可提金臺難傲平田低年年伏櫪甘華糝
馬用千里追風蹄遠疇泛泛疑汀鷺始憐重負輸

未譜農具誰品題坡老得之武昌西今聞南湘急征犂
丞相流馬渡五溪但恐青苗畝不栖何以慰爾年豐啼
吳儂休苦面目驚連陂雨足歡朝隣媪晨出晝掩閨
湖陰閒煞烏犍犁晚涼看洗千馱隄

和陸茶具十詠

茶鴉

種菜滿籬邊常望花圍繞種桑滿墻陰猶苦葉稀少不
如我種茶弓地弗為小拈取碧芽新比似春山曉

茶人

靜屋詩後稿

卷五

十

不為農圃業頗有邱壑姿年年山中去休誤雨前期武
夷與蒙頂致遠多艱危我愛家園好此意爾當知

茶筍

山雷初破蟄百草露萌短紫筍已數寸不受春風管乃
知靈性竒先得元氣暖雲霧在岩頭歸來雙袖滿

茶籬

攜去露未晞負歸日已斜碧筠襯青籬輕便平聲宜小娃
彷彿采芝仙雲籃貯瑤華手撥黃金縷持傲東隣家

茶舍

未買負郭田先構沿溪屋竹窓要疏通紙格宜屈曲采
摘動經旬留連可信宿閉門風露香破我春睡足

茶竈

槐火過清明樵爨旦未旭直待丹爐温定有黃芽熟幽
馨賽焚蘭真味當薦菊留伴晚甘侯奚憂鼎折足

茶焙

細翦湘竹枝輕烟颺碧縷幽人識靈草一一手檢取誰

驚玉川夢打門太麤武

玉川詩軍將打門驚周公

若使擘龍團何異

剗牛脯

茶鼎

琢玉豈必妍鑿石未為醜
道眼本無二持以叩禪友
因熱厲熏心分甘貪蜜口
好結甕蓋緣入夏我止酒

茶甌

銀瓶配銅碾世事勞粉飾
家傳小花甌天然古玉色
到眼先摩抄觸手防傾側
若能試七椀了了白淨識

煮茶

攜我一片雲沃以千里雪
如何不解事妄雜薑鹽末
靜喧風雨生幻化漚泡滅
底須乞頭綱待給尚方札

勵學詩和韻

大道本坦夷，廣居自舒曠。但得心理順，便覺肢體暢。鳶魚趣無窮，風月妙難况。乃知晤對懷，各隨淺深量。靜中一觀化，可與造物餉。俗流困名利，營營苦馳望。達者懲其失，或至形骸放。君子務敬義，內外期兩當。占蒙象童求筮，姤戒女壯。操舍在幾希，消長視所向。澹泊寧心君，憧擾屏意匠。擇交慎友聲，乞退長官諺。偶下南州榻，未空北山帳。因之任行止，且以齊得喪。時還讀我書，尚論千載上。願勤思勉功，誠復息諸妄。

咏玉盤盃二首

櫻薦休誇赤玉盤
芝函方進紫霞壇
若為佛母毫間現
却在仙人掌上看
婪尾翻來風綽約
當頭呼作月團圓
瑤光正啟琅霄瑞
寶氣先教象緯干

向午難消雪一盃
殿春偏壓錦千株
日華曉浴初承璧
露氣宵傾欲走珠
藥省漫傳青瑣艷
藥宮獨結碧琳腴
今朝照世杯持獻
留與堯裳作壽符

以玉盤盃分贈愛廬侍御翌日報詩二章次韻奉
簡

聞說香林七寶欄前因後果那無端偶從一法尋衣鉢
曾記三生託敦盤女器云何成玉韞此心如是作花觀
若知富貴浮雲意品格休譏侍牡丹

養鉛煉液見工夫誰向環中得妙樞青玉案違言永好

紫薇省下憶同趨舊恩幾度看圍帶幻相何勞覓化孟

借用柳公權語重為南禪留一偈與君認取走盤珠

荻港晚泊有懷章德瓶

此心別與水雲諧灣上漁樵信宿偕谷鳥陰晴喧寂境
溪花旦晚卷舒懷當頭素月親紈扇對面青山負筍屨

若有多情沈東老留題未必道緣乖

晚晴

晚翠落螺龕天光澹與涵松身皴石黛波面研雲藍雨
足犁閒犢風香繭熟蠶短篷隨去住村北又村南

曉泛

平遠山隨濃淡好清和月總雨晴宜扁舟蓑笠歸何處
不是閒鷗未許知

出吳興北門尋山作

隨意數汀灣樵風便往還千家老桑苧一郡好溪山漁

艇晨爭集縹車晝不閒
我來無所事興到恣幽攀

游法華山寺見石刻蘇詩和韻

青天倒影琉璃界
四望從何別
支派白蘋汀外輕槩飛
不減帆檣飽風快
隄分綠壤轉彎環
路盡蒼厓束砾泚
盪胸已覺萬頃寬
放眼還看八荒隘
陵遷谷變豈有常
除却虛空皆破壞
若然以色見如來
劫火燒時又奚怪
徒勞幻相說漚泡
特示真身受淋晒
殿燬於火佛
像有露立者陰廊
片石碧土花鈎畫
依稀辨垂薤
眉陽詩筆洵有神
白髮高歌忘世械
生平慕公結殊契
百讀遺篇癢搔疥
溪上

鷗盟本不孤
天邊鸞翮何曾鏃
一枝柳粟且隨緣
未了
名山行脚債

戲題齋堂

翠竹筧分朝汲冷
青松柴助午炊香
闌黎不受山靈供
猶是沿門托鉢忙

游道場山

弁山夾長松
道峰羅修竹
天然兩明鏡
對照蛾眉綠
昨遊興未闌
曉榜出南郭
中流急跳珠
或恐阻遊福
山靈竟多情
到冷雨脚縮
惠風得疏暢
暄陽助清淑
石淙激

堅寒澗羨弄柔馥靈鷲佛刹飛馴虎祖庭伏塔勢湧崖
顛寺形落岩腹具區三萬頃天水相蕩浴觀空洗淨眼
濟勝策衰足閒蹤實蕭灑幽賞極奢欲不知何因緣到
此成信宿猶防塵土夢重貽林泉辱在昔老印公宗風
傾道俗坡翁典郡時來往山中躅高僧與名賢方外契
殊篤如何千載下兩者皆碌碌辨香焉可追法燈詎能
續撫膺一舒歎悲響振虛谷似聞鸞鶴音招我山之曲

虎邱用范石湖韻

小泊山橋忽判年去來無住不妨禪花田熟後僧收露

茶市清時客試泉誰向樞幢窺妙相漫勞鐘鼓聒幽眠
宰官種福魚蝦活也算方隅浩蕩天

時有網捕之禁

和白傅翫止水

洗心本非泉喻性莫如水水固無不行而亦有時止行
乃止所為止即行所起一行一止間達人得原委沼沚
有湍流江海失津涘苟知天一功返求方寸裏靜則養
其根動則洩其尾無風豈波瀾不土何泥滓內外兩空
明此境難舉似得非寂滅人即是希夷子湛然虛靈物
匪爾焉足擬宣尼昔亟稱會心亦在此

愛廬侍御五十初度之辰辱承枉過薄具蔬酌集

同人聯句百韻以侑觴

客館逢初度朋簪得主賢知非慙學遠

程維岳愛廬

慕道願

希籤籥啟清和夏

汪學金靜厓

籌量大小年占壬梅乍熟

楊雲

温玞

近午艾將懸絮撲縈柔縷

楊雲瑄律堂

荷抽漾細漣軟

莎鱗滌刺

陸樸孫遠亭

喬蔭翼翩翹瑪瑙花攢磴

顧慕京

琅

玕竹覆泉衣冠林下集

胡金誥蛟門

蓆屐座中聯涼榭移桐

榻

汪彥博厚夫

齋厨侑筍筵指蔬筐衰露

汪彥國寧夫

鬪茗竈浮

烟釘坐堆肴核

王履基雲門

揮觥瀉酒船飲醇兼飫德

愛廬

靜厓詩後稿

卷五

六

鼓篋亦安弦絳帳生徒列靜厓華堂翰墨宣川增工肄

雅叔温崧降伯賡篇鑄韻扛韓鼎律堂題牌瑩蜀棧望

瞻山斗上遠亭興寄水雲邊擢向鴛湖泛漱泉書為鹿

洞延帶環玉帶周類曲蛟門筆阜文筆傍奎壩敬業譽

鬣育厚夫尊經奧指研鑿倫精攬翮寧夫聽講喜隨肩

栽者當培爾雲門栽之各斐然公私嚴義利初課婁士

試之誠敬闡坤乾院課於帖括外增經解表潔冰激鏡

愛廬懲嬉畧絜甄首以乾誠坤敬命題驥足快揚鞭比缶

靜厓時字雨律堂敷苗歲獲田立門徒測仞遠亭辨涖孰尋

淵藪行貞衡度

激泉

修辭薄輶鉛陸陳

桴亭確庵兩先生為婁名儒祀

於書院之希賢堂

端可繼

蛟門

許沈

創院之始生主講席極為生徒推重

未能先鯁論歸安定

厚夫

鴻才屬孟堅

州守于公請先生總修州志

簞樽斬自牖

寧夫

衮鉞賴如椽婁壤稽營建

雲門

江圻

攷畫遷此邦文獻備

愛廬

往代版章沿梗概釐南郭

靜

厓

權輿數潁川迄茲逾稔百

叔温

佚事幾羅千聞見微

難信

律堂

蒐詳職屢愆仰惟遼左長

謂于公遠亭

來領海東

偏故府詢梨棗

激泉

芳郊選梓梗史官同典局

謂靜厓先生蛟

門博士竝充員分野星經緯

厚夫

宣防土陌阡甲科臚

藥榜

寧夫

丁賦隸禾屨籩豆司存守

雲門

韜鈴衛所專

首書忠孝字

愛廬

眉列古今編沃產隙紋貝

靜厓

奇觚

拾碎鈿直教條井井

叔溫

匪詡笥便便凜若陽秋例

律

堂

昭斯月旦權高標想鸞鵠

遠亭

靜悟契魚鳶灑塵頻

霏屑

漱泉

拈鋒不落詮楠朶涵鉅細

蛟門

圭壁寓方圓

坦履過從密

厚夫

冲襟蹶踏蠲理原該衆妙

寧夫

福克

保三全蒙瀆叨諄誨

雲門

師資記夙緣

余出司空師門下

弱齡

思入洛

愛廬

曩蹟緬游燕禾郡芸楣絡

靜厓

篁墩陔系

絲儒宗遙溯宋

叔溫

宅相早稱錢

太傅文端公為先生外祖

歐苦灰

親畫

律堂

桑勤研習穿

先生少從學於桑敬甫先生

性寧踰橘枳

遠

亭

質弗化茅荃傾倒中郎屣

漱泉

吟唔子敬氈棘闈方

踔厲

蛟門

薇省正編禩密勿丹樞直

厚夫

從容紫籞旋

括囊溫室樹

寧夫

承蓋液池蓮毳幕風馳檄

雲門

貂裘

雪壓羈前旌揚綬鷗

愛廬

後乘照珠蟻扈獵雄談虎

靜

厓

從公快獻豸披圖三輔邇

叔溫

授簡五臺巔北闕聲

華著律堂

南宮姓氏傳萬言廷對切

遠亭

十卷

御毫

鮮梅閣曾酬句

漱泉

藤廳游掌銓禮曹司邕灌

蛟門 試

院報茶煎假以扶搖力

厚夫

還於絹穰憐頰波呼湜籍

寧夫峻阪顧郵甄提舉 長庚錄雲門光輝太乙躔廿

年感烏哺愛廬一疏乞牛眠空橐垂吳會靜厓輕袞拂

楚滇狂歌浮白後叔溫遐躅點蒼前隱趣桃源結律堂

騷懷荔渚寒到諳楓葉路遠歸愛菊花天封樹經鐫

碣漱泉行藏載問箴鱸鄉情話罷蛟門螭禁夢魂牽重

握蘭香雅厚夫仍分樺燭妍豸袍 恩寵錫寧夫驄轡

青糾度諫草焚青瑣雲門褒綸耀翠璫漫云蹲老鳳愛

廬豈為噤寒蟬廬墓暮終矣靜厓循陔志決馬先生以

張太夫人憂歸里淑閣後潘輿隨杖掖叔溫萊袖捧危

潘養錢太夫人遂不復出

擅開府名園拓

律堂

元章品石卷開春山杏醉

遠亭

破

曉海棠顛遠岫螺雙髻

漱泉

閒汀鷺一拳奉歡膠續軫

蛟門

負痛彩沈嬾宿諾邁槃寤

厚夫

孤蹤草土跽酉山

排架軸

寧夫

丙舍護梧捲去訪金閨友

雲門

留泰玉版

禪往來偕燕雁

愛虛

出入合夔蛭霽月逢人印

靜厓

薰

颺普物扇席階陪色笑

叔温

函丈荷陶甄末植晞游謝

律堂

真形祝羨佺曲成徐引鶴

遠亭

兆應恰銜鱸大衍

盈虛策

漱泉

長生內外鍵朶芝粧馥郁

蛟門

蟠木抱連

蜨河嶽英光接

厚夫

蓬瀛麗景駢黃庭新授訣

寧夫

縹

緲企飛仙

雲門

與愛廬晚步隆福寺前觀荷用坡公韻四首

隄畔風漪蹙細鱗
一池翠蓋颭青蘋
到來共學逃虛客
對此應憐觸熱人
禪力自能除鴿怖
機心畢竟愧鷗馴
從游尚記沂雩樂
又侍先生杖履春

時兒輩從游

休嫌濁醉衆人皆
止酒除葷未算齋
且趁晚涼邀月魄
恰逢新霽豁烟霾
騷人吊後終懷楚
隱士招誰漫道淮
只合與君論出處
徘徊風露竚空階

三年罷踏東華土
往事何堪更僕數
牛跡團團賃磨忙

蠅頭細細傭書苦尚勞
舊雨念腰圍已報新霜驚鬢縷
若問官私究為誰也同湍耳喧蛙鼓

如水交情淡不厭一般清夢戀
衡簷偶消長日攜書局
肯問浮生向卜簾虛牖
笑談忘忘竹暑深堂卧起避梅炎
秋旻高理憑君說僕病何愁更苦痞

金門學使書至問訊近狀次韻却寄

遠書珍重畧寒溫
過嶺猶傳三月春
一扇清風忘離合
誰云瑤島路難親

菰蒲深處是吾鄉
秧馬驅來尚覺忙
聞道冰壺清照座

讓君風月領詞場

內養工夫百倍難故人念我瘦樂樂多情付與丹臺訣

寫就黃庭盡日看

近得石君師寄札
勗余內功甚切

何須汗漫奔山稿偶著清閒笠澤書若道仙源留不得
笑儂真是武陵漁

淡然無味天人糧講塾諸子同賦

一吸虛空五百年人間烟火總堪憐休糧不是忘飢法
思食終為有欲天腹實坎離相濟後胎元父母未生前
青靛顏色黃梁味輸與華池自在泉

和范石湖嘲蟲詩韻

寓形宇宙間，愛憎苦結習。人物固有殊，造化共噓翕。日月處至明，不遺螢火熠。富媪孕德產，螟蟊伏原隰。跂行既蠕蠕，羽族亦揖揖。微生各有託，奚怪此遽集。強弱理或分，仁暴性不襲。食息將毋同一氣，為呼吸。大夏主發舒，始陰乘間入。蠶蟲稟其濁，逐臭相引汲。平明飽則颺，嚮晦音更急。奈何飲血風，不學烝民粒。剝膚肆披猖，鼓吻恥蹇澁。連羣動盈千，數獲枉論十。稍冀風驅除，轉助露厭浥。惡聲增勞忉，毒螫致忿悒。不耐枕安眠，姑取觥

疆欵藪澤易藏奸此輩善居濕蒲稗相因依菅茅難雜
葺蘊隆心如焚煩惱汗成汁我憂已迫煎爾嬉猶拮拾
婪暑復蹶張厲秋未韜戢安得土木形可以禦戈鋌語
冰智豈知負山口徒給蝮蛇怨楚騷營蠅刺周什麼
雞舞甕穢鄙蝨處褶追蠹蝕鐘簾撲緣困羈馮古人類
微言遺誠在往帙若云患一身此見母乃執養體辨大
小賢愚判等級心田弗修治蝨賊日殆岌挑蟲忽拚飛
焉能就拘繫忘此城社妖而乃念鄉邑返諸我生初本
不依形立佛說大慈悲寬親盡和輯支解遇歌利豈有

恨羅織真人坐黃庭但恐神先泣丹成滅穢尸授我雲
中笈一息異鵬鷄四運同伸蟄莫以裸蟲長大道望難
及

和愛廬食楊梅韻二首

碧蓋青條繫絳羅赤瑞琢就未曾磨廿年北地幾曾有
諸子南村如許多熟脫肯留芒刺在剛存其奈齒牙何
多食楊梅損齒坡公詩句分明說莫笑參禪是老漢

底逐紅塵荔子繁江鄉五月也開園畧知仙液根源好
終覺儒酸氣味存調燮鹽梅誰鼎實浮沈瓜李且盤殮

賜緋賜紫非吾分，露著山家暑月禪。

滄來郡尊惠荔支，用前韻柬謝。

興化園池衆品羅，端明小譜舊研磨。冰霜到口炎蒸少，

露電關心歲月多。

余少時在閩，距今三十餘年矣。

笑我去來今，偶爾問

渠香色味云何。却逢好事襄陽守，喜施龐家叟與婆。

翠葆蘋珠四照繁，上林曾記賦文園。陳方殊品誰名副，

荔支以陳紫方紅為最。

蘇白流風此味存。近海易供廉吏啖，歸田

重見大官飧。側聞六月炎邱火，熱惱堪憐蝨處禪。

閩中近事。

滄來再惠蓮實，仍用前韻謝之。

若耶誰浣越溪羅，淨植亭亭一鑑磨。自有君身仙骨在，不隨世味苦心多。水中懷此伊人否，幕下依如從事何。雪椀冰甌供退食，畧同溪飢餉優婆。

燕寢香凝政不繁，清風想見拔葵園。折來雨蓋參差偃，嚼破雲漿沆瀣存。何幸寶池分法供，方知玉井具仙飧。碧筒留吸三升酒，應笑臨邛滌器禪。

四用前韻和愛廬咏珠蘭

一院涼陰卷碧羅，海南香試水沈磨。若為巧手千絲結，比似豪家百琲多。鮫客賣綃攜得未，湘纍紉珮擬如何。

憐渠小摘供簪髻輸與微薰證行漣

紅埃每苦鬱蒸繁恬澹安心覓道園也作國香相贈答
若論時艷匪思存隨風效唾為同臭飲露情懷不素殮
位置軒窓無俗韻花前休曬吏人禪

省緣丈再惠秋蘭用舊韻走筆報謝

君應離熱若我却愛秋芳但得心期共何殊臭味長開
遲非俗尚藏密有真香重理冰弦操相思兩不忘

銷夏五戰詩同愛廬作

棋戰

清簟疎簾好閒銷第幾枰小年空一劫殘局破三生出
險誰能守乘危在不爭何時逢橘隱消暑併逃名

酒戰

將令喜投醪驩呼據壘高原來河朔飲不減羽林豪
陣誇拳勇觥船競水操移封非我願棄甲醉鄉逃

茗戰

三錫頭綱至雙團角勝宜焙烟曾計竈話雨乍開旗有
衆同甘苦於斯出正奇打門軍將鬪疑是捷書馳

瓜戰

靜厓詩後稿

卷五

五

客有談兵者瓜分許借籌戍期茲已及軍實我能蒐部
曲徵餘子韜鈴問故侯鎮心憑道勝煩惱賊應休

文戰

昔本三冬足今為六月興筆端鋒銳利盾鼻草飛騰避
舍誰甘讓登壇頗自矜功名歸汗馬未敢傲條冰